

16 sertai Mini Bengkel Penggunaan Canva

BINTULU: Seramai 16 penduduk se-tempat termasuk suri rumah dan pelajar sekolah menyertai Mini Bengkel Penggunaan Canva kepada Komuniti Lebu' Kulit, Sungai Asap di Belaga anjuran mahasiswa-mahasiswi Universiti Putra Malaysia Kampus Bintulu (UPMKB), baru-baru ini.

Menurut satu kenyataan daripada UPMKB, bengkel yang diadakan oleh ahli Kumpulan Putra Adventour itu diadakan bertujuan untuk meningkatkan kemahiran digital penduduk agar dapat menggunakan aplikasi Canva bagi melakukan

promosi secara digital produk eko-pelancongan di kawasan itu.

"Pemilihan platform Canva bagi menjayakan bengkel ini memandangkan reka bentuk grafik dalam aplikasi tersebut yang mesra pengguna dan mudah di-aplikasi oleh pengguna baharu.

"Bengkel ini dihadiri oleh seramai 16 penduduk di sekitar yang terdiri daripada suri rumah sehingga pelajar yang turut bercita-cita untuk melanjutkan pengajian ke peringkat yang lebih tinggi," katanya.

Dalam kenyataan itu, ketua Kumpulan Putra Adventour Nelson Ngau berkata,

Canva adalah alat berkuasa yang dapat memperkasakan individu untuk menge luarkan kreativiti mereka tanpa memerlu kan kemahiran teknikal yang meluas.

"Disebabkan itulah kumpulan kami memilih aplikasi ini untuk dikongsikan bersama Komuniti Lebu' Kulit.

"Harapan kami adalah, selepas mahir menggunakan aplikasi ini, komuniti Lebu' Kulit boleh menggunakan aplikasi ini untuk membuat poster bagi mempromosi kan produk kraftangan dan pelancongan dikawasan tersebut secara digital," katanya.

Ujarnya, kumpulan itu turut merancang

untuk mengadakan 'Mini Showcase' pada Julai ini bagi mengetengahkan produk kraftangan dan pelancongan Komuniti Lebu' Kulit kepada masyarakat bandar yang berminat untuk merasai pengala man menginap di rumah panjang atau menghayati alam semula jadi yang masih kekal di kawasan tersebut.

Selain taklimat mengenai Aplikasi Canva secara teori, penduduk turut menjalani sesi praktikal yang mana mereka ber peluang meningkatkan kreativiti melalui penggunaan aplikasi tersebut pada alat peranti masing-masing.